



Broj predmeta: 13-002514/23
Broj akta: 01.1-1528ZN-0010/24
Datum, 25. 1. 2024.. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH – prečišćeni tekst («Službeni glasnik Brčko distrikta BiH», broj 27/23), u skladu s članom 69. Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda sa preporukom Komisije za javne nabavke broj: 13-002514/23 od 17.01.2023. godine, gradonačelnik Brčko distrikta BiH
d o n o s i,

ODLUKU O PONIŠTENJU **POSTUPKA JAVNE NABAVKE**

Član 1.

Poništava se otvoreni postupak javne nabavke usluge interneta za potrebe Odjeljenja za obrazovanje Vlade Brčko distrikta BiH (7 lotova), pokrenut od strane Odjeljenja za obrazovanje Brčko distrikta BiH, a na osnovu Odluke o pokretanju postupka javne nabavke broj: 13-002514/23 od 10.10.2023.godine i Obavještenja o nabavci broj: 1157-1-2-371-3-670/23 od 17.10.2023.godine. Postupak se poništava, u skladu sa članom 69. stav (3) Zakona o javnim nabavkama, zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Obrazloženje

Nakon izvršene detaljne analize ponuda i uvidom u kompletnu Tendersku dokumentaciju, komisija je utvrdila da je u tački 3.5.2 Tenderske dokumentacije navedeno sljedeće:

Iznos na koji će se zaključiti okvirni sporazum: iznos procijenjene vrijednosti sa uračunatim PDV-om, a ne na iznos najpovoljnije ponude. Iznos ponude će se uzimati u obzir u fazi analiziranja ponuda i izbor najpovoljnijeg ponuđača, odnosno iznos ponude će služiti samo za rangiranje ponuđača.

Zatim, u tački 3.5.3 Tenderske dokumentacije je navedeno: tehničkom specifikacijom definisana je okvirna količina predmeta nabavke (usluge) (maksimalna okvirna količina po stavkama), koja se određuje samo u slučaju okvirnog sporazuma, kada ugovorni organ, zbog prirode predmeta nabavke ili drugih objektivnih okolnosti, ne može unaprijed odrediti tačnu količinu. Ugovorni organ se ne obavezuje na nabavku utvrđenih okvirnih količina u cijelosti. Stvarna realizacija zavisi od potreba ugovornog organa i raspoloživih finansijskih sredstava, ali ne može preći utvrđene okvirne količine. Stvarna nabavljena količina usluga na osnovu zaključenog okvirnog sporazuma može biti jednaka ili manja od predviđene okvirne količine. Ukupna plaćanja bez PDV-a na osnovu svih ugovora koji su sklopljeni na osnovu ovog okvirnog sporazuma ne smiju prelaziti procijenjenu vrijednost nabavke. Vrijednost okvirnog sporazuma utvrđuje se na osnovu ponude najpovoljnijeg ponuđača sa kojim će se potpisati okvirni sporazum.

S obzirom da komisija daje preporuku u skladu sa zahtjevima navedenim u tenderskoj dokumentaciji, a da su u tenderskoj dokumentaciji, u tačkama 3.5.2 i 3.5.3 navedeni potpuno različiti kriterijumi u vezi iznosa na koje se dodjeljuju okvirni sporazumi, komisija navodi sljedeće:

Komisija nije u mogućnosti dati preporuku za dodjelu okvirnog sporazuma zbog nelogičnosti u Tenderskoj dokumentaciji i nejasno definisanog iznosa na koji se okvirni sporazum može zaključiti, te će se shodno tome postupak nabavke poništiti u skladu sa članom 69 stav (3) Zakona o javnim nabavkama.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

GRADONAČELNIK

prim.dr. Zijad Nišić



DOSTAVLJENO:

1. Pododjeljenju za javne nabavke,
2. Gradonačelniku,
3. Odjeljenju za obrazovanje,
4. Ponudačima,
5. Arhivi.